

**DOG número 198-Bis • Mércores, 30 de setembro de 2020 DISPOSICIÓNS XERAIS
DA CONSELLERÍA DE SANIDADE**

Esta orde terá efectos desde as 00.00 horas do 1 de outubro de 2020

MEDIDAS DE PREVENCIÓN NO CONCELLO DE OURENSE

«3.14. Actividades e instalacións deportivas.

A práctica da actividade física e deportiva non federada, ao aire libre, poderá realizarse de forma individual ou colectiva, sen contacto físico, e ata un máximo de cinco persoas de forma simultánea.

Nas instalacións e centros deportivos poderase realizar actividade deportiva en grupos de ata cinco persoas, sen contacto físico, e sempre que non se supere o cincuenta por cento da capacidade máxima permitida, e deberanse establecer as medidas necesarias para procurar a distancia de seguridade interpersonal durante o desenvolvemento da actividade.

A práctica da **actividade deportiva federada** de competencia autonómica poderá realizarse de forma individual ou colectiva, **sen contacto físico, e cun máximo de cinco persoas simultaneamente no caso dos adestramentos**. Non se aplicará este límite nas competicións onde as regras federativas garantan espazos diferenciados para cada equipo. No caso de realizarse en instalacións deportivas, a práctica axustarase ademais aos termos establecidos no parágrafo anterior».

MEDIDAS PREVENCIÓN NOS CONCELLOS DE VILAGARCÍA DE AROUSA, VILANOVA DE AROUSA, SANXENXO E MEIS.

Primeiro. *Medidas de prevención nos concellos de Vilagarcía de Arousa, Vilanova de Arousa, Sanxenxo e Meis*

Atendida a evolución da situación epidemiolóxica e sanitaria na comarca do Salnés, mantense a eficacia, nos concellos de Vilagarcía de Arousa e de Vilanova de Arousa, das medidas de prevención previstas na Orde do 23 de setembro de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Vilagarcía de Arousa, e na Orde 25 de setembro de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Vilanova de Arousa. Ademais, as mesmas medidas serán tamén de aplicación nos concellos de Sanxenxo e de Meis.

*“A práctica da **actividade deportiva federada** de competencia autonómica poderase realizar de forma individual ou colectiva, sen contacto físico, e ata un máximo de **dez** persoas simultaneamente no caso dos adestramentos. Non se aplicará este límite nas competicións onde as regras federativas garantan espazos diferenciados para cada equipo. No caso de realizarse en instalacións deportivas, a práctica axustarase, ademais, aos termos establecidos no parágrafo anterior.”*

MEDIDAS DE PREVENCIÓN NOS CONCELLOS DE PONTEVEDRA, POIO, VILABOA Y MARÍN

Primeiro. **Mantemento de medidas de prevención específicas nos concellos de Pontevedra, Poio e Marín**

Unha vez atendida a evolución da situación epidemiolóxica e sanitaria, mantense, nos concellos de Pontevedra e Poio, a eficacia das medidas previstas na Orde do 9 de setembro de 2020, pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Pontevedra, e na Orde do 11 de setembro de 2020, sobre medidas de prevención como consecuencia da evolución da situación epidemiolóxica derivada do COVID-19 nos concellos de Poio e Vilaboa, así como a eficacia das mesmas medidas no concello de Marín.

*“A práctica da **actividade deportiva federada** de competencia autonómica poderase realizar de forma individual ou colectiva, sen contacto físico, e ata un máximo de **dez** persoas simultaneamente no caso dos adestramentos. Non se aplicará este límite nas competicións onde as regras federativas garantan espazos diferenciados para cada equipo. No caso de realizarse en instalacións deportivas, a práctica axustarase, ademáis, aos termos establecidos no parágrafo anterior.”*

Segundo. **Levantamento das medidas de prevención específicas no concello de Vilaboa e aplicación neste concello das medidas de prevención establecidas con carácter xeral**

1. Quedan sen efecto no concello de Vilaboa as medidas de prevención específicas previstas na Orde do 9 de setembro de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Pontevedra e na Orde do 11 de setembro de 2020 sobre medidas de prevención como consecuencia da evolución da situación epidemiolóxica derivada do COVID-19 nos concellos de Poio e Vilaboa.

2. Serán de aplicación, no concello de Vilaboa, as medidas de prevención que con carácter xeral se establecen no Acordo do Consello da Xunta de Galicia do 12 de xuño de 2020, sobre medidas de prevención necesarias para facer fronte á crise sanitaria ocasionada polo COVID-19, unha vez superada a fase III do Plan para a transición cara a unha nova normalidade, na súa redacción vixente.

MEDIDAS DE PREVENCIÓN NA COMARCA DE SANTIAGO DE COMPOSTELA

Primeiro. Medidas de prevención na comarca de Santiago

Unha vez atendida a evolución da situación epidemiolóxica e sanitaria na comarca de Santiago, mantense, no concello de Santiago de Compostela e no lugar do Milladoiro (parroquia de Santa María de Biduído, no concello de Ames), a eficacia das medidas de prevención previstas na Orde do 2 de setembro de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Santiago de Compostela, na súa redacción vixente.

*“A práctica da **actividade deportiva federada** de competencia autonómica poderase realizar de forma individual ou colectiva, sen contacto físico, e ata un máximo de **dez** persoas simultaneamente no caso dos adestramentos. Non se aplicará este límite nas competicións onde as regras federativas garantan espazos diferenciados para cada equipo. No caso de realizarse en instalacións deportivas, a práctica axustarase, ademáis, aos termos establecidos no parágrafo anterior.”*

MEDIDAS PREVENCIÓN EN EL AYUNTAMIENTO DE LUGO

Primeiro. Medidas de prevención no concello de Lugo

Unha vez atendida a evolución da situación epidemiolóxica e sanitaria no concello de Lugo, mantense no devandito concello a eficacia das medidas de prevención previstas na Orde do 28 de agosto de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Lugo, na súa redacción vixente.

- *“A práctica da actividade física e deportiva non federada, ao aire libre, poderá realizarse de forma individual ou colectiva, sen contacto físico, e cun máximo de **dez** persoas de forma simultánea. Nas instalacións e centros deportivos poderase realizar actividade deportiva en grupos de ata **dez** persoas, sen contacto físico e sempre que non se supere o 50% da capacidade máxima permitida, e deberanse establecer as medidas necesarias para procurar a distancia de seguridade interpersoal durante o desenvolvemento da actividade. Así mesmo, no caso da práctica de actividade física e deportiva de forma individual ou en grupo en ximnasios ou espazos pechados, será obrigatorio o uso de máscara, aínda que se poida garantir o mantemento da distancia de seguridade interpersoal. A práctica da **actividade deportiva federada** de competencia autonómica poderase realizar de forma individual ou colectiva, sen contacto físico, e ata un máximo de **dez** persoas simultaneamente no caso dos adestramentos. Non se aplicará este límite nas competicións onde as regras federativas garantan espazos diferenciados para cada equipo. No caso de realizarse en instalacións deportivas, a práctica axustarase, ademais, aos termos establecidos no parágrafo anterior.”*

MEDIDAS PREVENCIÓN NO CONCELLO DO BARCO DE VALDEORRAS

Primeiro. Obxecto

O obxecto desta orde é establecer determinadas medidas de prevención como consecuencia da evolución da situación epidemiolóxica derivada do COVID-19 no concello do Barco de Valdeorras.

Segundo. Restricións ás agrupacións de persoas para a protección da saúde ante a existencia dun risco de carácter transmisible

1. Á vista da evolución da situación epidemiolóxica e coa finalidade de controlar a transmisión da enfermidade, adóptase, en todo o ámbito territorial do concello do Barco de Valdeorras, de modo temporal, durante o período ao cal se estenda a eficacia das medidas previstas na presente orde de acordo co seu punto quinto, a medida de limitar os grupos para o desenvolvemento de calquera actividade ou evento de carácter familiar ou social, na vía pública, espazos de uso público ou espazos privados, a un máximo de dez persoas, excepto no caso de persoas conviventes, en que non se aplicará esta limitación.

Tampouco será aplicable esta limitación no caso de actividades laborais e administrativas, actividades en centros educativos, de formación e ocupacionais, sempre que se adopten as medidas previstas nos correspondentes protocolos de funcionamento.

MEDIDAS DE PREVENCIÓN NO CONCELLO DA CORUÑA

Primeiro. Levantamento das medidas de prevención e das recomendacións sanitarias específicas no concello da Coruña

Quedan sen efecto, no ámbito territorial do concello da Coruña no que se viñan aplicando, as medidas de prevención previstas na redacción vixente da Orde do 7 de agosto de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 nos concellos da Coruña, Arteixo, Cambre, Culleredo, Oleiros, Abegondo, Bergondo, Carral e Sada; a medida de prevención adicional e a recomendación de autoprotección previstas nos ordinais segundo e terceiro da Orde do 12 de agosto de 2020 sobre medidas de prevención como consecuencia da evolución da situación epidemiolóxica derivada do COVID-19 nos concellos da Coruña, Arteixo, Cambre, Culleredo, Oleiros, Abegondo, Bergondo, Carral e Sada, así como as recomendacións contidas no ordinal segundo da Orde do 26 de agosto de 2020 sobre mantemento das medidas de prevención como consecuencia da evolución da situación epidemiolóxica derivada do COVID-19 nos concellos da Coruña, Arteixo, Cambre, Culleredo, Oleiros, Abegondo, Bergondo, Carral e Sada.

Segundo. Aplicación das medidas de prevención establecidas con carácter xeral

Serán de aplicación, no concello da Coruña, as medidas de prevención que con carácter xeral se establecen no Acordo do Consello da Xunta de Galicia do 12 de xuño de 2020, sobre medidas de prevención necesarias para facer fronte á crise sanitaria ocasionada polo COVID-19, unha vez superada a fase III do Plan para a transición cara a unha nova normalidade, na súa redacción vixente.

MEDIDAS DE PREVENCIÓN NOS CONCELLOS DE LALÍN Y SILLEDA

Primeiro. Levantamento das medidas de prevención específicas nos concellos de Lalín e Silleda

Quedan sen efecto, nos concellos de Lalín e Silleda, as medidas de prevención específicas previstas na Orde do 11 de setembro de 2020 pola que se establecen determinadas medidas de prevención como consecuencia da evolución da situación epidemiolóxica derivada do COVID-19 no concello de Lalín.

Segundo. Aplicación das medidas de prevención establecidas con carácter xeral

Serán de aplicación, nos concellos de Lalín e Silleda, as medidas de prevención que con carácter xeral se establecen no Acordo do Consello da Xunta de Galicia, do 12 de xuño de 2020, sobre medidas de prevención necesarias para facer fronte á crise sanitaria ocasionada polo COVID-19, unha vez superada a fase III do Plan para a transición cara a unha nova normalidade, na súa redacción vixente.